



Broj: 11-05-38-18891/15  
Sarajevo, 29.06.2015. godine

528  
745  
SuADA  
1. 27. 2016  
Alvir

**SKUPŠTINA KANTONA SARAJEVO**  
n/r Seje Bukve, predsjedavajući Skupštine Kantona Sarajevo  
- ovdje-

### POSLANIČKA INICIJATIVA

Zastupnik Jusko Ismir, na Četvrtoj Radnoj sjednici Skupštine Kantona Sarajevo, održanoj 17.06.2015. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo je zastupničku inicijativu koja se odnosi na reorganiziranjem Prosvjetno-pedagoškog zavoda.

### ODGOVOR

Prosvjetno-pedagoški zavod je posebna upravna organizacija u sastavu Ministarstva za obrazovanje, nauku i mlade te su, između ostalog, njeni primarni zadaci unapređenje odgojno-obrazovnog rada, analiza nastavnih planova i programa i prijedlozi za unapređenje istih, edukacija nastavnika i sl.

Nažalost, već duži vremenski period Prosvjetno-pedagoški zavod ne realizira navedene zadatke u mjeri u kojoj bi to bilo potrebno, na adekvatan i kvalitetan način.

S tim u vezi, na nivou Ministarstva su pokrenute aktivnosti na izmjeni Pravilnika o unutrašnjoj organizaciji Ministarstva za obrazovanje nauku i mlade, kojim je predviđena potpuna reorganizacija Prosvjetno-pedagoškog zavoda, odnosno formiranje sektora unutar Ministarstva koji će se prvenstveno baviti unapređenjem kvaliteta odgojno-obrazovnog rada.

Namjera Ministarstva je da spomenuti sektor obavlja poslove koji su u direktnoj vezi sa kvalitetom realiziranja nastavnog procesa, analizom postojećih nastavnih planova i programa, uvođenjem savremenih metoda rada u školama, stalnoj edukaciji nastavnika i sl.

Ministarstvo je u prethodnom periodu od svih osnovnih i srednjih škola zatražilo mišljenje u vezi sa prijedlogom za reorganiziranje Prosvjetno-pedagoškog zavoda.

Iz dostavljenih mišljenja škola je evidentno da postoji potreba za reorganiziranjem Prosvjetno-pedagoškog zavoda, odnosno njegovim stavljanjem u funkciju podizanja kvalitete odgojno-obrazovnog rada.

Prijedlozi zastupnika Jusko Ismira u vezi sa nadležnostima i poslovima koje bi trebao obavljati novoformirani sektor se gotovo u potpunosti podudaraju sa mišljenjem Ministarstva u vezi sa navedenom predmetnom problematikom.

Očekujemo da će u narednom periodu Pravilnik biti usvojen, čime će se stvoriti zakonski uvjeti za reorganiziranje Prosvjetno-pedagoškog zavoda u sektor Ministarstva i njegovo stavljanje u funkciju odgojno-obrazovnog sistema općenito.

S poštovanjem,



MINISTAR

Prof. dr. Elvir Kazazović

